

Minister Tico Croes a presenta proyecto fondo pa inversion publico Aruba

ORANJESTAD (AAN): Minister di Finanzas dr. Tico Croes a presenta proyecto Fipa den un sala completamente yen di Seaport conference Center ayera mainta. Minister a introduci e miembronan cu tabata presente ayera durante presentacion di Fipa cu ta srs. Josy Figaroa, Nilky Kock, Roly Santiago, Lionel Richardson.

Minister Croes a duna splicacion di loke e proyecto Fipa lo bira y cu pueblo di Aruba lo sali beneficia di dje. Minister a haya ta necesario pa bay den historia un rato pa comprende unda nos ta awe. Desde Status Aparte Aruba a ser confronta cu problema grandi di su Finanzas publico, particularmente e hecho cu mester a responde na su necesidadnan tanto riba nivel operacional como nivel inversion. Nos no mester lubida cu Aruba a drenta su Status Aparte cu desventaja di e sector publico particularmente, ariba e tereno di finanzas pa motibo di e crisis economico segun minister di Finanzas.

Loke cu ta ser mira ta cu e aña nan cu a transcuri, cu por cierto e aña aki Aruba ta celebra 15 aña di Status Aparte, Aruba a logra ariba e presupuesto operacional controla e entrada y gastonan pa yega na un presupuesto sera.

Ariba e tereno di inversion Aruba te ainda no ta exitoso ariba e maneho aki, parcialmente e tin di haber cu e falta di instrumentonan moderno y flexible cu gobierno di Aruba por carga cu su responsabilidad di maneho. Kico ta sosode ora problema di cash presenta? Segun minister Croes te ainda e problema di cash ta debil maske cu e la mehora, ainda cash flow ta debil.

Den aña '90 a mira cu apesar cu e entrananan di gobierno a crece ainda nan no a crece suficientemente cu e velocidad pa loke cu ta e crecimiento economico. Den e nota di maneho minister Croes a señala cu a debati cu parlamento ariba un sector publico saludable a muestra claramente ariba e desarojo aki cu mester mira esaki den un forma relativo, gobierno di

Aruba no tabata haya proporcionalmente e cantidad di placa cu tabata haya den e mid di epoca nan '80. Si, tabata haya den e mid di epoca '80' tabata haya 22 pa 23 por ciento di e economia lo a keda baha ariba entrada nan te na un punto.

Segun minister Croes e tin di haber cu e capacidad di gobierno sector publico pa por cobra su derecho nan cu e tin como comunidad y di otro banda tin leyman antigua cu a haci gobierno keda hopi atras cu awor ta cambiando.

Di otro banda e ta un problema cu e ayudo financiero na medida cu Aruba tabata hayando y tabata creciendo mas y mas economicamente obviamente e ayudo di Hulanda a cuminsa disminui.

Tin un diferencia di un opinion grandi, mas academico cu un diferencia di un substancia pero, tur parti cu ayudo di desarojo ta un

ayudo cu ta bira superfluo na caminda, pasobra e ta pa duna bo e sosten pa bo tin suficiente crecimiento pa bo carga bo responsabilidadnan.

Minister Croes ta splica cu nan a haya nan mes confronta di tal manera cu na aña '99 for di Hulanda, Aruba a ricibi menos di 2 milyon Florin.

Esaki ta haci nos vulnerable pasobra bo, no por keda prepara bo presupuesto base di promesa nan di Hulanda cu lo bin cierto flow di placa pa inversion, debi cu ta depende di nan y nan por bisa bo un ora pa otro sorry bo no ta haye.

Tin casonan hasta cu gobierno a bay corte pa motibo di cu un compania Hulandes a demanda gobierno di gobierno di Aruba basa ariba e hecho cu gobierno di Aruba a bay di acuerdo cu un proyecto di MOT y y cuerpo policial y na caminda pais hulanda a bul afor di e proyecto aki cu consecuencia cu no a sigui cu e proyecto mas.

Finalmente gobierno a scoge, anticipando cu e desarojo economico di Aruba ta bay hiba Aruba e proximo diez aña nan na di cinco of di cuater lugar di economia regional y insular den Caribe.

Automaticamente abase di e puntonan menciona lo cay afor di e sistema di United Nations y Aruba lo bay cay afor di e sistema di e desarojo economico basa ariba cooperacion financiero.

Pesey tambe gobierno a busca un estabilidad y seguridad den flow di placa y esey ta e palabracionnan cu a ser haci despues cu Hulanda basa ariba rapport Op Eigen Benen, caminda a sigura durante un periodo di diez aña un suma fijo di placa y cu na final di diez aña nan, un bez cu termina cu e period basa pa prome biaha ariba un concepto positivo cu si, Aruba maneha su presupuesto na manera disciplina cu por logra e e balance budget manera cu a ser defini automaticamente tur aña parti di e debe lo ser dispensa.

Na final di e diez aña Aruba lo no tin ningun debe mas cu Hulanda te ora cu haya un suma fijo cu ta permiti Aruba haya estabilidad den e flow di inversion y presupuesto. Na mesun momento Aruba lo finaliza e debe cu e tin cu Hulanda segun Minister croes a duna di conoce durante e presentacion di fundacion Fipa.

Anticipando esaki tambe, e hecho cu nos a yega na palabracionnan, nos mester cuminsa crea e instrumentarium pa aki diez aña nos por continua cu e estabilidad cu nos a crea den liquidez y inversion.

E inversion di Aruba durante e ultimo 15 aña a muestra hopi fluctuacion, pa motibo di e posicion di liquidez di gobierno di un banda y di otro banda pa motibo di e parti di falta di estabilidad y continuidad den un flow consistente di parti di Hulanda.

KICO ESEY TABATA TIN COMO CONSECUENCIA?

Minister a splica cu nos situacion-



nan a keda atras y particularmente nos infraestructura, inversionnan a keda atras.

Ya caba rapport van Lennep tabata papia un tiki ariba e parti aki segun Minister di Finanzas tanto rapport Van Lennep como Biesheuvel tabata analiza e posicion di debe nacional di Aruba.

Nan tabata analiza kico tabata e impactonan ariba e presupuesto y riba posibilidadnan di inflacion di un banda y Biesheuvel a bay un tiki mas leu, e la tuma e relacion cu Hulanda, mustrand e forma con pa cana e caminda corecto pa Sali for di e circulo vicioso.

Ora cu gobierno a haci e analisis aki den e nota di maneho di '98 pa 2001 ariba e tereno di finanzas publico, lo kier bay trata di haci e gobierno consumidor pa poco den un gobierno inversionista.

Di Fipa minister Croes por bisa cu e no ta algo cu gobierno a crea of inventa of descubri mas bien e ta algo cu na hopi pais e la ser usa como un instrumento importante di gobierno di inversion.

Minister Croes ta señala cu gobierno a pidi yudanza di Price Water House Coopers cu a presenta diferente documentacion nan haciendo analisis di diferente paisnan.

Gobierno a purba di haya e partinan mihor cu experencianan di Price Water House y cu e team tecnico pa traha ariba e concepto aki ariba e forma di inversion.

Kico Fipa ta nifica: Fondo pa inversion Publico Aruba cu lo ta e proyecto nobo cu lo keda presenta e aña aki.

Minister a splica cu consecuentemente e calidad di nos infraestructura a keda atras compara cu e nivel di nos desarojo economico. Segun Minister Croes ta splica cu desde inicio di e periodo di gobernacion actual, gobierno a pone como un di su metanan principal di e maneho financiero pa bay over di un gobierno consumidor pa un gobierno inversionista. Den e cuadro aki gobierno a dicidi aña pasa pa mas pronto posibel introduci e fundacion "Fondo pa Inversion Publico Aruba" esta Fipa, pa di tal forma sigura un fluho continuo di capital destina p financiamiento di inversion publico.

Minister Tico Croes a duna di conoce cu e concepto aki di Fipa no ta algo nobo.

Na diferente otro paisnan conceptonan similar aki a ser implementa exitosamente segun minister Croes.

METANAN PA CU E FUNDACION:

E metanan di Fipa ta: Promove continuidad den e fluho di capital destina pa financiamiento di inversionan publico den edificio y infraestructura.

Maneha y mantene edificionan cu

ta ser traspasa pa e fundacion. Promove un balance integral den e prioridadnan pa loke ta trata inversionnan publico den edificio y infraestructura.

STRUCTURA DI E FUNDACION:

E fundacion, cu lo ta 100% di gobierno, lo consisti di un Directiva y un gerencia.

1. Un miembro apunta pa minister di Finanzas

2. Un miembro apunta pa sector comercial.

3. Un miembro apunta pa sector comercial.

E directiva ta encarga cu e maneho general di e fundacion.

Den e cuadro aki, e directiva lo duna e instruccion nan necesario na gerencia y ta determina kico ta e competencia di gerencia.

E gerencia, cu ta worde nombra door di e directiva, ta encarga tambe cu maneho diario di e fundacion.

Gerencia lo ta esun encarga, ten-

iendo cuenta cu e instruccionnan di directiva, pa tuma personal den servicio di e fundacion.

Intencion ta pa mas pronto posibel gobierno y fundacion Fipa sera un "Beheersvereenkomst" cu lo tin duracion di 10 aña.

E meta di esaki ta pa determina y trece claridad den e relacion enter gobierno y e fundacion pa loke ta trata e derecho, obligacion, responsabilidad y competencia di ambos partido y pa regla aspectonan administrativo y procedural. ALGUN TOPICO IMPORTANTE.

(1) Contribucion anual di gobierno, (2) Traspaso y mantencion di edificionan di gobierno. (3) Financiamiento di proyectonan di inversion publico. (4) Programanan di inversion. (5) Reglanan pa cu management financiero responsabel. (6) E rol di Centrale Accountantsdienst y algemene rekenkamer. (7) Raportaje di progreso. (8) Reglanan di procedura.

Artphoto
Carnaval Special
Kodak GB 135-24/4 pk
Price Fl 20,00
You Save more than Fl 14.00
Buy Now!
Limited quantities available

PARADISE PARTY ROOM
TANKI LEENDERT
Un bunita lugar di haci fiesta pa
casamento, cumpleaños,
aniversario, comunion,
confirmacion, etc. Including decoration.
Bon servicio, bon prijs!
Tel: 879126 / Cell: 943533

MATRASSEN FABRIEK BAROUD
Tanki Flip 14-A
E fabriek No. 1 na Aruba.
Nos ta fura y drcha tur soto di matras,
busca mainta, entrega atardi mesun dia
cu 1 aña di garantia. Matras nobo tin 3
aña di garantia.
Pa pedido of informashon jama Tel:
874710.